

HORAM RVENTEM  
VIRI  
MAGNIFICI AC GENEROSI

GERHARDI  
THOMAS, 20

*Inclutæ Reip. Thor. Pro-Consulis Senioris Gra-  
vissimi, nec non postremum Burggrabii  
Regii Dignissimi, Ecclesiarumq;  
Inspectoris longe Meritissimi,*

A. dō 15 CC XXV. tertio Calendarum Maji, hora 12. merid.  
Dominica sc. Cantate, non tam morbi cujusdam acerbi  
diuturnitate, quàm Senii sui ad ultimum ferme  
cyclum David: producti gravitate, ordine  
retrogado ad æternum Urbis æternæ  
Jubilate ex hac miseriarum  
valle evocati,

Subsequenti vero octavo Iduum Maji ad Div. Georg. honorifice  
Exeqiis solennioribus contumulati,  
paucis deliniare conabatur

DOMVS THOMASIANÆ

Servus humillimus,

cliens subjectissimus

HENRICVS REICHELIVS,

---

T H O R V N I I

Impressit Joh. Nicolai NOBIL, SENAT, & GYMN, Typographus.

# HORA RVIT!

<sup>puta,</sup>  
CANDIDE LECTOR,  
Vitæ brevissimæ,  
tacite, propere, repente;  
adest vero contra  
mortis certissimæ  
improvisa, non sperata, sed parata.

HORA RVIT!

VITA FLVIT!

querulo strepitu,  
celeri cursu,  
præcipite lapsu.

HORA RVIT!

VITA FLVIT!

MORSque NVIT!

cui,  
nolis, velis, pareas,  
nutui obedias,  
& mandantem audias.  
O horam Vitæ ruentem!  
O Vitam per horas fluentem!  
O mortem denique singulis vitæ horis mortalibus nuentem!  
Hinc vita mortalium est miserrima,  
adeo,  
ut piorum etiam non

V I T A

<sup>fed</sup>  
Vlulatus Inter Tormenta Anxius  
dici mereatur,

<sup>cum</sup>  
diu vivere, sit diu torqveri,  
imo secundum Euripid:  
*ἀληθῆς ἔ βίος, ἀλλὰ, συμφορὰ :*  
i. e.

*Vita minus verum crux miseranda magis.*

M O R S

vero illorum

Malorum Omnium Remedium Salutare,  
dum, juxta Athanasium,  
per mortem fiunt immortales,  
imo moriendo

solidam filiorum Dei consequuntur libertatem,  
aut, teste Paulo,

*τὸ πολίτευμα, τὸ ἐν τοῖς ἔρανοῖς :*  
i. e.

*In caelis Civis jus sine fine tenent.*  
Impiorum contra

VITA

V I T A

nihil aliud, quam

Vana In Terris Ambitio,  
dum

vanis semper ac ruituris tantum inhiant bonis,  
quæ,

dum { quærentur, fatigant :  
acquiruntur, infatuant :  
amittuntur, excruciant.  
neglectis interim veris ac æternis.

M O R S

autem

Mifera Omnium Rerum Separatio,  
feu, juxta mentem Philosophi Secundi  
Resolutio

qua nexu etiam alias vel artiffimo conjuncta,  
Anima nimirum & Corpus  
feperantur ac resolvuntur,  
addo, quod

M O R S

horum secunda

Malorum Omnium Refervatio Sempiterna,

prouti

M O R S

illorum prima

\*Αποδημία ἐκ ταύτης τῆς ζωῆς εἰς μελλόντα  
feu

Melioris Omnimoda Refervatio Salutis.

Lector Benevole,

quid circa hæc omnia de Defuncto nostro  
Plenifs. Tit.

DN. PRO-CONSVLE

GERHARDO THOMAS.

fit sentiendum,

facile & tibi, & cuilibet colligere licebit,

quippe cui non minus,

HORA RVENTE,

ex voto contigit

Salus ista felix,

cumque eadem visio Dei multo felicior,

imo, feliciffima,

quam,

dicente Meglandro nostro Luthero, vivens

fide hinc incepit

spe postea perduravit,

Mortuus vero revelatione tandem nunc totam habet,

nunquam non antea memor { horæ ruentis,  
vitæ fluentis,  
mortis nuentis.

nec

nec non satis edoctus,  
vitæ vanitatem ampliorem, quam utilitatem:  
probeque gnarus,  
dum se verteret respiceretque, immortalitatem adesse,  
quæ [si bona, nihil ea melius,  
[si mala, nihil ea peius.  
vivit namque, quasi hodie moriturus,  
HORAQUE RUENTE,  
ita mortuus, quasi (& quid inquam, quasi?) imò  
potius vere æternum victurus.

Cumque  
RVERET HORA,  
FLVERET VITA,  
NVERET MORS,  
fide tamen corroboratus verâ,  
vera non corrui vita;  
Sed potius { stetit, ut Heros nobilissimus,  
{ pugnavit, ut Miles fortissimus,  
{ vicit, ut Triumphator gloriosissimus,  
factus insuper immortalis  
& N { Nominis incluti fama,  
{ Meritorum multorum memoria,  
{ Virtutum singularium gloria,  
quam,  
ut illasam apud Cives semper habuit,  
sic illibatam quoque ad cœlites detulit,  
nulli idcirco Antecessorum suorum,

aut { fama,  
{ felicitate,  
{ gloria

inferior:

dumque summa semper laude vixit,  
non minore pariter honore,  
HORA RVENTE,  
est mortuus,  
nihil in posterum  
ebrietate nunc quadam sobria in cœlis perfusus,  
moraturus Epiphonema hocce tritissimum:

**HORA RVIT!**

